



বিকেএসপি বুলেটিন



ক্রীড়ায় শ্রেষ্ঠত্ব
Excellence in Sports

বাংলাদেশ ক্রীড়া শিক্ষা প্রতিষ্ঠানের সমসাময়িক ঘটনা প্রবাহের সংকলন

ষট্টিবিংশ বর্ষ, জানুয়ারি-মার্চ ২০২৫

মহান শহিদ দিবস ও আন্তর্জাতিক মাতৃভাষা দিবস-২০২৫



বিকেএসপিতে মহান শহিদ দিবস ও আন্তর্জাতিক মাতৃভাষা দিবস-২০২৫ যথাযথ মর্যাদার সাথে অনুষ্ঠিত হয়। এ উপলক্ষে বিকেএসপির মহাপরিচালক ব্রিগেডিয়ার জেনারেল মোঃ মুনীরুল ইসলাম জাতীয় পতাকা অর্ধনমিত করেন। মহাপরিচালক প্রভাত ফেরীতে অংশ নেন এবং বিকেএসপি পরিবারের পক্ষ থেকে শহিদ মিনারে পুষ্পস্তবক অর্পণ করেন। দিবসটি উপলক্ষে ক্রীড়া কলেজে আন্তঃহাউস দেয়ালিকা প্রতিযোগিতা চিত্রাঙ্কন, কবিতা আবৃত্তি এবং সংগীত প্রতিযোগিতার আয়োজন করা হয়। উল্লেখ্য, বিকেএসপির আঞ্চলিক শাখাগুলোতেও যথাযথ মর্যাদায় এই দিবসটি পালন করা হয়।

আন্তর্জাতিক নারী দিবসের আর্চারি প্রতিযোগিতায় বিকেএসপি চ্যাম্পিয়ন



গত ৮ মার্চ টঙ্গীস্থ আর্চারি প্রশিক্ষণ কেন্দ্রে নারী দিবস উপলক্ষে কিউটি আন্তর্জাতিক নারী আর্চারি প্রতিযোগিতা-২০২৫ এ বিকেএসপি ১টি স্বর্ণ ২টি রৌপ্য ও ২টি তাম্রসহ মোট ৫টি পদক নিয়ে চ্যাম্পিয়ন হবার গৌরব অর্জন করে। যুব ও ক্রীড়া মন্ত্রণালয়ের উপদেষ্টা আসিফ মাহমুদ সজিব ভূঁইয়া প্রতিযোগিতার প্রধান অতিথি হিসেবে উপস্থিত থেকে খেলা উপভোগ করেন এবং পুরস্কার প্রাপ্তদের মাঝে পদক বিতরণ করেন।

নবনিযুক্ত পরিচালক (প্রশিক্ষণ) এর বিকেএসপিতে যোগদান



৬ জানুয়ারি-২০২৫ বিকেএসপির ১৬তম পরিচালক (প্রশিক্ষণ) হিসেবে যোগদান করেন কর্নেল মোঃ গোলাম মাবুদ হাসান, পিএসসি। ২০০০ সালের ২৬ নভেম্বর তিনি বাংলাদেশ সেনাবাহিনীতে পদাতিক কোরে কমিশন প্রাপ্ত হন। সকল খেলার মাস্টার হিসেবে তিনি সেনাবাহিনীতে সুপরিচিত। তার দীর্ঘ ২৫ বছর চাকরিতে তিনি পদাতিক কোরের অফিসার হলেও মিলিটারি পুলিশ অফিসার হিসেবে সেনাবাহিনীতে বিশেষভাবে সুপরিচিত। বিকেএসপিতে আসার পূর্বে তিনি ৩৩ মিলিটারি পুলিশ ইউনিটে অধিনায়ক হিসেবে কর্মরত ছিলেন। তিনি ১টি পদাতিক ব্যাটালিয়নের অধিনায়ক, ৩টি মিলিটারি পুলিশ ইউনিটের অধিনায়ক, ১টি আর্মি সিকিউরিটি ইউনিটের অধিনায়ক ও ১টি পদাতিক ব্যাটালিয়নের উপ-অধিনায়ক হিসেবেও দায়িত্ব পালন করেন। কর্নেল হাসান স্টাফ হিসেবে (CMP)-মিলিটারি পুলিশ কোর সেন্টার এন্ড স্কুলে এবং সেনাসদরে কোম্পানি কমান্ডার হিসেবেও দায়িত্ব পালন করেন। কর্নেল হাসান কংগো এবং মালিতে নীল হেলমেটের অধীনে শান্তি সেনা হিসেবে কাজ করেন। তিনি আমেরিকার APCSS (Asia Pacific Centre for Security Studies), Hawaii থেকে Advanced Security Co-Operation কোর্স সম্পন্ন করেছেন।



পাঠ্যপুস্তক উৎসব-২০২৫



গত ০১ জানুয়ারি ২০২৫ সরকারের বিনামূল্যে পাঠ্যপুস্তক বিতরণ কার্যক্রম অনুযায়ী বিক্রেসপিতে পাঠ্যপুস্তক উৎসব অনুষ্ঠিত হয়। ৪র্থ-৯ম শ্রেণির প্রশিক্ষণার্থীদের হাতে নতুন বই তুলে দেন প্রতিষ্ঠানের মহাপরিচালক ব্রিগেডিয়ার জেনারেল মোঃ মুনিরুল ইসলাম। প্রতিষ্ঠানের অধ্যক্ষ, পরিচালক (প্রশিক্ষণ), পরিচালক (প্রশাসন ও অর্থ) এবং শিক্ষকবৃন্দ উপস্থিত ছিলেন।

জাতীয় সিনিয়র জিমন্যাস্টিক্সে বনফুলি চাকমা চ্যাম্পিয়ন



গত ১৬-১৮ ফেব্রুয়ারি ৩৭ তম জাতীয় সিনিয়র জিমন্যাস্টিক্স প্রতিযোগিতা-২০২৫ এ মহিলা বিভাগে বিক্রেসপি'র বনফুলি চাকমা ৩টি স্বর্ণ ও ১টি রৌপ্য পদক নিয়ে চ্যাম্পিয়ন হবার গৌরব অর্জন করেন।

আন্তর্জাতিক অ্যাথলেটিক্সে বিক্রেসপি চ্যাম্পিয়ন



গত ২৭-২৯ জানুয়ারি ২০২৫, দেশব্যাপী তারুণ্যের উৎসবের ধারাবাহিকতায় বিক্রেসপিতে আয়োজিত ৬ষ্ঠ বিক্রেসপি কাপ আন্তর্জাতিক অ্যাথলেটিক্স প্রতিযোগিতা ২০২৫ এ বিক্রেসপি ২২টি স্বর্ণ, ১২টি রৌপ্য ও ০৩টি তাম্র পদকসহ মোট ৩৭টি পদক নিয়ে চ্যাম্পিয়ন হবার গৌরব অর্জন করে। সমাপনী অনুষ্ঠানে বিক্রেসপি'র মহাপরিচালক ব্রিগেডিয়ার জেনারেল মোঃ মুনিরুল ইসলাম বিজয়ীদের মাঝে পুরস্কার প্রদান করেন।

বিক্রেসপিতে সেনাবাহিনীর কমান্ডো সিলেকশন টেস্ট



গত ১ জানুয়ারি ২০২৫, লে. কর্নেল জুলফিকার এর নেতৃত্বে সেনাবাহিনীর ২৬২ সদস্যের একটি দল কমান্ডো ট্রেনিং এর সিলেকশন পরীক্ষার জন্য বিক্রেসপিতে আসেন।

ফুটবল প্রশিক্ষণ



জুডো প্রশিক্ষণ





মেয়েদের ডেভেলপমেন্ট হকিতে বিকেএসপি চ্যাম্পিয়ন



গত ১১-২২ মার্চ মওলানা ভাসানী হকি স্টেডিয়াম ও বিমান বাহিনীর হকি টার্মে অনুষ্ঠিত ব্র্যাক ব্যাংক ডেভেলপমেন্ট কাপ হকিতে বিকেএসপি নারী দল কিশোরগঞ্জকে ৮-০ গোলে পরাজিত করে অপরাজিত চ্যাম্পিয়ন হবার গৌরব অর্জন করে। ফাইনাল খেলা শেষে বিজয়ীদের হাতে পুরস্কার বিতরণ করেন বাংলাদেশ হকি ফেডারেশনের সভাপতি বিমান বাহিনী প্রধান এয়ার চীফ মার্শাল হাসান মাহমুদ খান।

ক্রীড়া

বিকেএসপির খেলোয়াড়দের স্বাস্থ্য বীমা সুবিধার মেয়াদ বৃদ্ধি



গত ১০ মার্চ বিকেএসপিতে বাংলাদেশ ক্রীড়া শিক্ষা প্রতিষ্ঠানের খেলোয়াড়দের ন্যাশনাল লাইফ ইন্স্যুরেন্স কোম্পানি লিমিটেড এর সাথে গ্রুপ ও স্বাস্থ্য বীমা সুবিধা চুক্তি নবায়নের উদ্যোগে দু'পক্ষের মধ্যে এক মতবিনিময় সভা অনুষ্ঠিত হয়। মতবিনিময় অনুষ্ঠানে বাংলাদেশ ক্রীড়া শিক্ষা প্রতিষ্ঠান বিকেএসপির মহাপরিচালক ব্রিগেডিয়ার জেনারেল মোঃ মুনীরুল ইসলাম এবং ন্যাশনাল লাইফ ইন্স্যুরেন্সের মুখ্য নির্বাহী কর্মকর্তা মো. কাজিম উদ্দিন নিজ নিজ প্রতিষ্ঠানের প্রধান হিসেবে উপস্থিত ছিলেন।

বিকেএসপি কাপ টেবিল টেনিসে বিকেএসপি চ্যাম্পিয়ন



গত ১১ ফেব্রুয়ারি, ২০২৫ বিকেএসপি আঞ্চলিক প্রশিক্ষণ কেন্দ্র খুলনায় তারুণ্যের উৎসবকে সামনে রেখে অনুষ্ঠিত বিকেএসপি কাপ টেবিল টেনিস টুর্নামেন্টের ৭ম আসরে বিকেএসপি চ্যাম্পিয়ন হবার গৌরব অর্জন করে। বিকেএসপি'র পরিচালক (প্রশিক্ষণ) কর্নেল মো: গোলাম মাবুদ হাসান প্রধান অতিথি হিসেবে উপস্থিত থেকে বিজয়ীদের মাঝে পুরস্কার প্রদান করেন।

ডাইভিং ও ওয়াটার পোলো প্রতিযোগিতায় বিকেএসপির সাফল্য



বাংলাদেশ সুইমিং ফেডারেশন কর্তৃক আয়োজিত তারুণ্যের উৎসব ডাইভিং ও ওয়াটার পোলো প্রতিযোগিতা গত ১২-১৩ ফেব্রুয়ারি ২০২৫ সৈয়দ নজরুল ইসলাম জাতীয় সুইমিং কমপ্লেক্সে অনুষ্ঠিত হয়। প্রতিযোগিতায় বিকেএসপি দল রানার্স আপ হওয়ার গৌরব অর্জন করে।



তারুণ্যের উৎসব আর্চারি প্রতিযোগিতায়
বিকেএসপি চ্যাম্পিয়ন



গত ৮ ফেব্রুয়ারি, ২০২৫ ঐতিহাসিক পল্টন ময়দানে বাংলাদেশ আর্চারি ফেডারেশন আয়োজিত তারুণ্যের উৎসবের প্রতিযোগিতায় শ্রেষ্ঠত্ব অর্জন করেছে বাংলাদেশ ক্রীড়া শিক্ষা প্রতিষ্ঠান বিকেএসপি।

তারুণ্যের উৎসব শ্যুটিং প্রতিযোগিতায়
বিকেএসপির সাফল্য



গত ১-৩ জানুয়ারি ২০২৫ বাংলাদেশ শ্যুটিং স্পোর্টস ফেডারেশন আয়োজিত তারুণ্যের উৎসব শ্যুটিং প্রতিযোগিতায় বিকেএসপি ৪টি স্বর্ণ ও ১টি রৌপ্যসহ মোট ৫টি পদক নিয়ে দলগত চ্যাম্পিয়ন হওয়ার গৌরব অর্জন করে।

যুব কাবাডিতে বিকেএসপি চ্যাম্পিয়ন



নতুন বাংলাদেশ গড়ার লক্ষ্যে 'এসো দেশ বদলাই, পৃথিবী বদলাই' এ প্রতিপাদ্যকে সামনে রেখে গত ২০ জানুয়ারি থেকে দেশ ব্যাপী শুরু হয় যুব কাবাডি প্রতিযোগিতার প্রাথমিক পর্ব। যুব কাবাডির চূড়ান্ত পর্বে বিকেএসপি বগুড়াকে ৪২-২০ পয়েন্টের ব্যবধানে পরাজিত করে চ্যাম্পিয়ন হওয়ার গৌরব অর্জন করে। বিকেএসপির মহাপরিচালক ব্রিগেডিয়ার জেনারেল মো: মুনিরুল ইসলাম কাবাডি দলের এ সাফল্যে সকলকে শুভেচ্ছা ও অভিনন্দন জানান।

আন্তর্জাতিক বাস্কেটবলে বিকেএসপি রানার আপ



গত ২৩-৩০ জানুয়ারি নেপালের রাজধানী কাঠমন্ডুতে 11th Xavier International U-19 Basketball Championship 2025 এ বিকেএসপি রানার আপ হবার গৌরব অর্জন করে। বিকেএসপি গ্রুপ পর্বে ৩ খেলায় দুই জয় ও এক পরাজয়ে 'এ' গ্রুপের রানারআপ হয়ে কোয়ার্টার ফাইনালে উত্তীর্ণ হয়। কোয়ার্টার ফাইনাল CCRC (Capital College and Research Centre) এর বিপক্ষে ৫৬-৫৪ পয়েন্ট ব্যবধানে জয় লাভ করে এবং সেমিফাইনালে Premier International College এর বিপক্ষে ৭৫-৭৪ পয়েন্ট ব্যবধানে জয় লাভ করে। প্রতিযোগিতার ফাইনাল খেলায় বিকেএসপি Nagarjuna College এর বিপক্ষে ৬০-৬২ পয়েন্ট ব্যবধানে পরাজিত হয়ে প্রতিযোগিতার রানার আপ হয়। নেপালের ১৪ টি কলেজ অংশগ্রহণ করেছে।

একুশে চ্যালেঞ্জার্স ওপেন কারাতে বিকেএসপি চ্যাম্পিয়ন



গত ২৮ ফেব্রুয়ারি ২০২৫ চতুর্থমের এলজিইডি ভবনের অভিটোরিয়ামে অনুষ্ঠিত একুশে চ্যালেঞ্জার্স ওপেন কারাতে চ্যাম্পিয়নশিপে বিকেএসপি চ্যাম্পিয়ন হবার গৌরব অর্জন করেছে। বিকেএসপি কারাতে দল ১৪ টি স্বর্ণ, ৬টি রৌপ্য, ৭টি ব্রোঞ্জ পদক সহ সর্বমোট ২৭টি পদক লাভ করে।

৫ম বিকেএসপি কাপ বক্সিং প্রতিযোগিতায় বিকেএসপি চ্যাম্পিয়ন



গত ২৬-২৭ ফেব্রুয়ারি ২০২৫ বিকেএসপি আঞ্চলিক প্রশিক্ষণ কেন্দ্র, রাজশাহীতে ৫ম বিকেএসপি কাপ অনূর্ধ্ব-২১ পুরুষ বক্সিং প্রতিযোগিতা-২০২৫ অনুষ্ঠিত হয়। প্রতিযোগিতার ০৮টি ওজন ক্যাটাগরিতে বিকেএসপি ০৫টি স্বর্ণ, ০১ রৌপ্য ও ০২ তাম্র পদক অর্জন করে দলগত চ্যাম্পিয়ন হওয়ার গৌরব অর্জন করে। বিকেএসপির মহাপরিচালক ব্রিগেডিয়ার জেনারেল মোঃ মুনিরুল ইসলাম প্রতিযোগিতার উদ্বোধন করেন। সমাপনী দিনে প্রধান অতিথি হিসেবে রাজশাহী বিভাগীয় কমিশনার খোন্দকার আজিম আহাম্মেদ (অতিরিক্ত সচিব) বিজয়ীদের মাঝে পুরস্কার বিতরণ করেন।

বিকেএসপি আঞ্চলিক প্রশিক্ষণ কেন্দ্র সিলেটে ব্যাডমিন্টন প্রশিক্ষণ



স্কোয়াশ বিভাগ



একমি কাপ উন্মুক্ত টেবিল টেনিস প্রতিযোগিতায় বিকেএসপি চ্যাম্পিয়ন



গত ২১-২৩ ফেব্রুয়ারি ২০২৫ বাংলাদেশ টেবিল টেনিস ফেডারেশন এর উদ্যোগে আয়োজিত একমি কাপ উন্মুক্ত টেবিল টেনিস প্রতিযোগিতা -২০২৫ এ বিকেএসপি চ্যাম্পিয়ন।



জাতীয় টেনিস প্রতিযোগিতায় বিকেএসপি চ্যাম্পিয়ন



গত ২৩-২৮ ফেব্রুয়ারি ২০২৫ বাংলাদেশ টেনিস ফেডারেশনের ব্যবস্থাপনায় রমনা টেনিস কমপ্লেক্সে জাতীয় টেনিস প্রতিযোগিতায় বিকেএসপি দলগত চ্যাম্পিয়নশীপ অর্জন করে।

ভারোত্তোলনে বিকেএসপি চ্যাম্পিয়ন



৪র্থ ইয়ুথ-১৭ জাতীয় ক্লাব ভারোত্তোলন প্রতিযোগিতা-২০২৫ দলগত চ্যাম্পিয়ন হয়েছে বিকেএসপি। বিকেএসপির ছেলেরা ৫ টি স্বর্ণ, ১ টি রৌপ্য ও ১ টি ব্রোঞ্জ পদক অর্জন করে এ শ্রেষ্ঠত্ব দেখায়। এছাড়া বিকেএসপির কোচ রনি শেখ টুর্নামেন্টে শ্রেষ্ঠ কোচ নির্বাচিত হন।

বিকেএসপি কাপ টেনিসে বিকেএসপি চ্যাম্পিয়ন



গত ২-৬ ফেব্রুয়ারি দেশ ব্যাপী চলমান তারুণ্যের উৎসব উপলক্ষে বিকেএসপিতে আয়োজন করা হয় বিকেএসপি কাপ টেনিস টুর্নামেন্ট-২০২৫। টুর্নামেন্টে বিকেএসপি দল মোট ৯টি ইভেন্টের মধ্যে ৭টিতে জয় লাভ করে চ্যাম্পিয়ন হবার গৌরব অর্জন করে। বিকেএসপির মহাপরিচালক ব্রিগেডিয়ার জেনারেল মো: মুনিরুল ইসলাম প্রধান অতিথি হিসেবে উপস্থিত থেকে পুরস্কার প্রাপ্তদের মাঝে পুরস্কার বিতরণ করেন।

তায়কোয়ানডো প্রশিক্ষণ



প্রশিক্ষার্থীদের বার্ষিক বনভোজন



গত ১ মার্চ ২০২৫ বিকেএসপিতে প্রশিক্ষার্থীদের বার্ষিক বনভোজনের আয়োজন করা হয়। মূলত ক্রীড়া প্রশিক্ষণের যুগপৎ চিত্তবিনোদনের স্পৃহা মেটাতে এই বিশেষ আয়োজন। উক্ত আয়োজনে মহাপরিচালক মহোদয়সহ সকল কর্মকর্তা ও প্রশিক্ষার্থীবৃন্দ উপস্থিত ছিলেন।

প্রশিক্ষার্থীদের বার্ষিক শিক্ষাসফর-২০২৫



৪র্থ-৯ম শ্রেণি পর্যন্ত প্রশিক্ষার্থীরা হাতিল গ্রুপ অব ইন্ডাস্ট্রিতে এবং ১০ম শ্রেণি ও এসএসসি প্রশিক্ষার্থীরা বাংলাদেশ মেশিন টুলস ফ্যাক্টরিতে শিক্ষাসফরে গমন করে।

বিকেএসপি ভর্তি কার্যক্রম-২০২৫



ভর্তি কার্যক্রমে ২১টি ক্রীড়া বিভাগে মোট ১০৩০১ জন ছেলে-মেয়ে অংশগ্রহণ করে। প্রাথমিকভাবে নির্বাচিত ৪৩১ জনকে নিয়ে এক সপ্তাহের প্রশিক্ষণ ক্যাম্প থেকে চূড়ান্তভাবে ২৬৩ জনকে (ছেলে-১৯১ ও মেয়ে-৭২ জন) ২০২৫ সালের জন্য বিকেএসপিতে ভর্তি করা হয়।

বিকেএসপি'র ছাত্রদের পুনর্মিলনী



গত ৮ ফেব্রুয়ারি বিকেএসপিতে সাবেক ছাত্রদের সংগঠন অ্যালাইমনাই এ্যাসোসিয়েশন অব বিকেএসপি (অ্যাাব) এর উদ্যোগে অনুষ্ঠিত হয়ে গেল পুনর্মিলনী উৎসব।

উষ্ণ ডিসপ্লে প্রশিক্ষণ



ভলিবল প্রশিক্ষণ





ইয়াং টাইগার্স অনূর্ধ্ব-১৪ ক্রিকেটে বিকেএসপি চ্যাম্পিয়ন



বিসিবি আয়োজিত ইয়াং টাইগার্স অনূর্ধ্ব-১৪ জাতীয় ক্রিকেট ২০২৪-২৫ টুর্নামেন্টে রাজশাহীকে ৯ উইকেটে পরাজিত করে চ্যাম্পিয়ন হয়েছে বাংলাদেশ ক্রীড়া শিক্ষা প্রতিষ্ঠান (বিকেএসপি)। খুলনা বিভাগীয় স্টেডিয়ামে তিন দিনের ফাইনাল ম্যাচে রাজশাহীর দেওয়া ১৩৫ রানের লক্ষ্যে ব্যাট করতে নেমে ৯ উইকেট হাতে রেখে জয়ের লক্ষ্যে পৌঁছে যায় বিকেএসপি। টস জিতে প্রথম ইনিংসে ব্যাট করতে নেমে রাজশাহী ৬২.৪ ওভারে সবগুলো উইকেট হারিয়ে ১৩০ রান করে। জবাবে প্রথম ইনিংসের ব্যাট করতে নেমে বিকেএসপি ৮২.৫ ওভারে সবগুলো উইকেট হারিয়ে ১৬৬ রান করে। দ্বিতীয় ইনিংসে রাজশাহী ৭২ ওভারে ৯ উইকেট হারিয়ে ১৭০ রানে করে। দুই ইনিংসে রাজশাহীর ছুঁড়ে দেওয়া ১৩৫ রানের লক্ষ্যে ব্যাট করতে নেমে মাত্র ১ উইকেট হারিয়ে বিকেএসপি ১৩৭ রান করে জয়ের লক্ষ্যে পৌঁছে যায়। বেস্ট বোলার এবং ম্যান অব দ্যা ফাইনাল নির্বাচিত হয়েছেন বিকেএসপির খেলোয়াড় আলিমুল ইসলাম আদিব।



আমেরিকায় আর্চারি টুর্নামেন্টে বিকেএসপির কোচ শেখ সজিব

গত ০৫-০৯ মার্চ ২০২৫ আমেরিকার লাস ভেগাসে অনুষ্ঠিত বিশ্ববিখ্যাত ইনডোর সিরিজ 'দ্য ভেগাস শ্যুট' আর্চারি টুর্নামেন্টে শেখ সজিব বিকেএসপির কোচ (আর্চারি) ও প্রাক্তন ক্যাডেট অংশগ্রহণ করেন। বাংলাদেশের হয়ে এবারই প্রথম কোন জাতীয় দলের সাবেক খেলোয়াড় এ প্রতিযোগিতায় অংশগ্রহণ করেন।

প্রধান পৃষ্ঠপোষক

ব্রিগেডিয়ার জেনারেল মোঃ মুনিরুল ইসলাম
এসজিপি, এসইউপি, পিএসসি, পিএইচডি
মহাপরিচালক, বিকেএসপি

উপদেষ্টা

কর্নেল মোঃ গোলাম মাবুদ হাসান, পিএসসি
পরিচালক (প্রশিক্ষণ), বিকেএসপি
মুহম্মদ আনোয়ার হোসেন
পরিচালক (প্রশাসন ও অর্থ), বিকেএসপি

সম্পাদক

লেঃ কর্নেল মোহাম্মদ ইমরান হাসান, পিএসসি
অধ্যক্ষ, ক্রীড়া কলেজ, বিকেএসপি

সহযোগী সম্পাদক

জনাব মোঃ ছগির হোসেন
উপপরিচালক (প্রশাসন), বিকেএসপি

সম্পাদনা সহযোগী

জনাব নুসরাৎ শারমিন
উপপরিচালক (অ.দা.) (ক্রীড়া বিজ্ঞান), বিকেএসপি
ড. মোঃ শামীমুজ্জামান
উপাধ্যক্ষ, বিকেএসপি
জনাব মর্জিনা বেগম
চীফ কোচ (জিমন্যাস্টিক্স), বিকেএসপি
জনাব মোঃ আবু হেনা মোস্তফা কামাল
সহকারী অধ্যাপক, বিকেএসপি
জনাব মোহাম্মদ আহসান কবির
প্রভাষক (বাংলা), বিকেএসপি
জনাব সৌমিক আহমেদ
প্রভাষক (বাংলা), বিকেএসপি
জনাব মোঃ আশরাফুজ্জামান
জনসংযোগ কর্মকর্তা, বিকেএসপি